

**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ**

**СЕКРЕТАРИЈАТ
ЗАЈЕДНИЧКА СЛУЖБА**

Сектор за међународне односе и протокол
Одјел за сарадњу са
међународним организацијама



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE**

**SEKRETARIJAT / TAJNIŠTVO
ZAJEDNIČKA SLUŽBA**

Sektor za međunarodne odnose i protokol
Odjel za saradnju s međunarodnim organizacijama
Odjel za saradnju s međunarodnim organizacijama

Broj: 01,02,03,03/11-05-1-3126/16
Sarajevo, 17. 2. 2017.

**БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO**

PRIMLJENO: 14-12-2017

Organizaciona jedinica	Klasifikaciona oznaka	Redni broj	Broj priloga

**KOLEGIJIMA OBA DOMA PARLAMENTARNE SKUPŠTINE BiH
KOMISIJI ZA VANJSKE POSLOVE PREDSTAVNIČKOG DOMA
KOMISIJI ZA VANJSKU I TRGOVINSKU POLITIKU, CARINE, SAOBRČAJ I
KOMUNIKACIJE DOMA NARODA
ZAJEDNIČKA KOMISIJA ZA EVROPSKE INTEGRACIJE
KOLEGIJU SEKRETARIJATA**

**IZVJEŠTAJ S INTERPARLAMENTARNE KONFERENCIJE EVROPSKOG
PARLAMENTA: „LOKALNE I REGIONALNE VLASTI U REGIONU PROŠIRENJA
I REGIONALNA POLITIKA EU“,**

Brisel, 30. i 31. januar 2017.

U organizaciji Odjela za pretpristupne aktivnosti i u saradnji s Komitetom za vanjske poslove, Komitetom za regionalni razvoj i Komitetom regija Evropskog parlamenta, u Briselu je 30. i 31. januara 2017. održana Interparlamentarna konferencija o temi: „**Lokalne i regionalne vlasti u regionu proširenja i regionalna politika EU**“, na kojoj su iz Predstavničkog doma Parlamentarne skupštine BiH učestvovali: **Aleksandra Pandurević, Nikola Lovrinović i Mirsad Donlagić**; iz Doma naroda: **Sead Kadić**; te ambasadorica BiH u Briselu **Lidija Topić**. Konferenciji su prisustvovali i predstavnici parlamenata Republike Srbije, Crne Gore, Republike Albanije, Republike Kosova i Republike Turske.

Učesnicima se na konferenciji obratio **Johannes Hahn**, komesar za evropsku politiku susjedstva i pregovore o proširenju, koji je istakao da buduće članstvo u EU znači da će lokalne i regionalne vlasti imati sve veći značaj; te da zakoni koji se usvoje moraju biti provedeni. Potrebno je da parlamentarci posvete dužnu pažnju rješavanju problema korupcije, kako bi učinili zemlje privlačnijima za investitore. Komesar Hahn je čestitao, kako je rekao, "predstavnicima BiH na izvanrednom poslu koji je urađen prošle godine u procesu evropskih integracija", te izrazio uvjerenje da će BiH uspješno odgovoriti i na pitanja iz Upitnika Evropske komisije.

Parlamentarci Republike Srbije naglasili su da Srbija radi na pregovorima i da je do sada otvoreno šest poglavlja, te da povjerenje građana raste. Komesar Hahn naglasio je da je neophodno nacionalnu politiku uskladiti s politikom EU, voditi dijalog s Kosovom, te obezbijediti veću podršku građana procesima EU.

Članovi Komiteta regija Evropskog parlamenta **Jean-Luc Vanraes** i **Nikola Dobrosravić** istakli su da je za cijelu Evropu od velikog značaja borba protiv korupcije i naglasili značaj regionalnog povezivanja, međuregionalne i prekogranične saradnje, te pitanja sigurnosti, terorizma, migracija. Pozdravio je otvaranje Kancelarije za borbu protiv korupcije u Podgorici. Također je pozdravio Berlinski proces, koji daje novi zamah procesu proširenja i naglasio potrebu uključivanja lokalnih i regionalnih vlasti u ovaj proces.


U ime Komiteta za regionalni razvoj, **Jens Nilsson**, **Terry Reintke**, **Tonino Picula**, **Franc Bogovič** i **Ivan Jakovčić** istakli su bitnost zajedničkog rada državnih i regionalnih vlasti, stimuliranje saradnje između lokalnih i regionalnih vlasti, edukacije i studijske posjete. Naglasili su potrebu da parlamentarci razgovaraju s građanima na lokalnom i regionalnom nivou i tek onda donesu odluke koje su od velikog značaja u procesima pristupanju EU. Podvukli su da je potrebno utvrditi kako se troši tehnička pomoć u kohezionoj politici, s obzirom na to da postoje slučajevi korupcije, te razmotriti perspektive budućnosti i uspostaviti još veću bliskost s građanima. Gosp. Picula istakao je da je cilj kohezivne politike smanjenje ekonomskih, socijalnih i teritorijalnih razlika koje postoje u EU. Savjetovao je zemljama proširenja da obrate pažnju na ono što je ključno, a to je da se što prije počnu usvajati znanja o kohezionoj politici i jačati institucionalni kapaciteti kako bi se što efikasnije iskoristili strukturni fondovi. Naveo je primjer Hrvatske, koja je podijeljena na kontinentalnu regiju i jadransku, te da obje regije spadaju u kategoriju manje razvijenih regija, koje ostvaruju pravo na korištenje strukturnih fondova. Zbog nedovoljno znanja, Hrvatska je slabo iskoristila navedena sredstva. Gosp. Bogovič istakao je neophodnim da se kohezivna politika zemalja članica fokusira na otvaranje radnih mjesta, infrastrukturu, zaštitu okoliša, obrazovanje, nauku i inovacije. On je naglasio da je IPA II instrument za jačanje reformskih procesa, jačanje administrativnih i institucionalnih kapaciteta, pružanje pomoći u procesima pristupanja EU. Predstavio je nivoe razvoja u različitim zemljama u EU, kako bi pokazao efikasnu upotrebu sredstava EU. Izrazio je nadu za povećanjem evropskih fondova zemljama proširenja kako bi se postigla ekonomska i politička stabilnost tih zemalja. Pomenuto je da je Srbija zemlja u regiji koja je najviše iskoristila IPA fondove. Gosp. Jakovčić predstavio je makroregionalne strategije EU: Baltičku, Jadransko-jonsku i Dunavsku, čiji je cilj stvaranje zajedništva povezivanjem regija iz više zemalja koje imaju zajedničke probleme i izazove s kojima se suočavaju.

Članovi PSBiH aktivno su učestvovali u debati u toku konferencije, te su tom prilikom izrazili zahvalnost EU za podršku koju pruža BiH, i ocijenili da je potrebno da EU podstakne BiH da posveti veću pažnju pitanju decentralizacije i ravnomjernog regionalnog razvoja, kao i saradnju regija unutar BiH i susjednih zemalja, te ukalazali na postojanje mogućnosti da bi predstojeći izbori u EU kao i globalni politički procesi mogli imati snažan uticaj na zbivanja kako u EU tako i na zapadnom Balkanu.

Delegacija PSBiH razgovarala je i s ambasadoricom BiH u Briselu Lidijom Topić. Ambasadorica je informirala delegaciju da predstavnici EU smatraju kako je 2016. godina bila uspješna za BiH, s obzirom na to da je ispunila uslove da preda vjerodostojnu aplikaciju za članstvo u EU. Ona je istakla važnost intenzivnije saradnje sa svim institucijama na raznim nivoima.

Izveštaj pripremila:

Lara Borovina,


viša stručna saradnica za saradnju s
međunarodnim organizacijama

Dostavljeno:

- naslovu
- a/a

¹ Uz odobrenje članova PSBiH